



UNIVERSITÄTS-
BIBLIOTHEK
PADERBORN

Universitätsbibliothek Paderborn

Concilia Galliæ Narbonensis

Baluze, Etienne

Parisiis, 1668

Illvstrissimo Viro D. D. Ioanni Baptistæ Colberto, ...

urn:nbn:de:hbz:466:1-14646



ILLVSTRISSIMO VIRO D. D.

IOANNI BAPTISTÆ

COLBERTO,

REGI AB INTIMIS CONSILIIS,

Generali ærarij moderatori , summo
regionum ædificiorum Præfecto , re-
gionum ordinum Quæstori , Marchio-
ni de Seignelay , &c.



*P*RVIDENTVM reprehensio-
ni meritò essem ob-
noxius , si Concilia Gallie
Narbonensis , que nunc in
lucem eduntur , tibi non in-
scriberem, VIR ILLVS-
TRISSIME , tibi , in-
quam , qui cùm literas ac ceteras bonas artes
summo amore prosequaris , mihi privatim tri-

EPISTOLA.

buisti ut plurimum & honestissimum otium tua
 benignitate ac munificentia consecutus sim,
 nulla alia in re quàm in literarum tractatione
 consumendum. Adjunxisti autem huic otio ma-
 gnum adjumentum magnúmque subsidium, mi-
 rificam ac valde locupletem optimorum librorum
 bibliothecam, quam in ædibus tuis pulcherrimo
 in loco ac quietis & tranquillitatis plenissimo
 conlocasti, quam verò dum mea cura commit-
 tere dignatus es, totam integram mihi dedi-
 sti fruendam. Pro summis illis tuis in me be-
 neficijs cum quod referrem, nihil haberem,
VIR PRÆSTANTISSIME, sedit ani-
 mo meo illa cogitatio, querendam esse aliquam
 occasionem, qua & mea in te reverentiæ testi-
 monium darem, & tibi persuasum pro mea vi-
 rili facerem redundare in animo meo gratiam
 quam neque verbis neque factis rependere
 possum parem beneficijs tuis. Institui itaque
 æternitati tui nominis consecrare ingentem
 Conciliorum Ecclesiæ catholicæ collectionem,
 quam, confidenter dicam, non mediocri labo-
 re meo confeci, rem præclarissimam, ut quæ
 multum conducere potest ad informandos Chri-
 stianorum mores revocandamque veterem dis-
 ciplinam, quæ est maxima ac præcipua isto-
 rum studiorum utilitas, tum etiam ad illu-
 strandam historiam ecclesiasticam. Verùm quia
 editio illa longum deliberandi spatium requi-
 rit, multaque me & eæ graves cause vetant

EPISTOLA.

manum integro operi admoveere impraesentiarum, hanc illius partem edere in antecessum placuit sub felicibus tui nominis auspicijs, VIR ILLUSTRISIME, ne quis vel hanc partem occupet operis tibi destinati, & ut ex ea occasione planum omnibus faciam valde cupere me, si vires ita ut animus adessent, maxima tua in me conlata beneficia tibi solvere, ac praeterea, ut justissimam, quae summis tuis virtutibus debetur, venerationem tibi impendam. Sentio atque intelligo haec mihi magnum aperiri campum ad celebrandam immortalium tuorum facinorum gloriam, sineret modò tua singularis modestia, qua id assecutus es, ut cum omnes laudes merearis, nemo, cui tua gratia cordi sit, illas audeat enarrare, satisque habeat digitum ad illas intendisse. Esset enim istic locus amplissimus & opportunissimus commemorandi ac debitis honoribus prosequendi caritatem tuam erga rem publicam, obsequium in Principem, spectatissimam fidem tuam in dandis consilijs, assiduamque & indefessam diligentiam industriamque admirabilem in exequendis negotijs quae provida & alta Regis incomparabilis mente destinantur. Adeo nihil est tam arduum, nihil tam excelsum, quò animus ille tuus pertingere non possit, quando de gloria Principis agitur, aut de publica utilitate. Felicitati sanè seculi, quae tantum Re-

EPISTOLA.

gem huic florentissimo regno rectorem edidit, sed tamen etiam tuæ providentiæ, VIR SAPIENTISSIME, tuis curis, tuæ vigilantia, & ut uno verbo omnia complectar, stupendo labori tuo tribuendum est quòd res olim difficillimas ac pulcherrimas, sepe sub alijs Principibus in cassum tentatas, sub Ludovico demum Augusto feliciter consummatas esse videmus. Vnde facile augurari licet quòd sicut nos res à majoribus nostris fortiter ac præclarè gestas leti admirantésque laudamus, ita grata posteritas ætati nostræ gratulabitur sacrum ærarium restitutum, opes regni auctas, sanctissimas leges, quæ per summam audaciam perditæ jacuerant neglectæ, revocatas, hanc urbium reginam nocturnis latronibus aliisque rei publicæ pestibus & incommodis purgatam, Gallicum nomen ad ultimos usque terrarum mariisque terminos delatum per commercia externa, negotiatores honoribus auctos, ampla bonis studijs atque artibus præmia constituta, & quod vel in primis dici debuit, magnificentiam ædium regiarum. Nam hæc sunt oblectamenta regnantis, potentia imperij decora facies, testimonium præconiale regnorum, Hæc legatis sub admiratione monstrantur; & prima fronte talis Dominus esse creditur, quale ejus habitaculum comprobatur. Citiùs me deficeret oratio quàm materia scribendi de te præclara ac magnifica, si liceret ire per lat-

*Cassiodor.
lib. 7.
V. ar.
epist. 5.*

EPISTOLA.

*dum ac virtutum tuarum titulos. Sed revoco me, VIR ILLUSTRIS-
SIME, ut & verecundiae tuae obsequar, & ut ad hanc muneris mei partem redeam, quam tibi cum ea qua par est veneratione offero, quámque valde te rogo atque etiam oro ut boni aequique consulere velis, qui ita es ingenio placabili inter cetera virtutum, ut boni consulas errata leviora.*

Lugetiæ Parisiorum
vi. Kal. Februarij
MDCCLXVIII.

STEPH. BALUZIUS.